

Velkomin í íbúð 5 við ströndina

Los Arenales de Sol á Spáni

Í þessari möppu eru hagnýtar upplýsingar af ýmsu tagi um íbúðina og nágrenni hennar. Hér er einnig að finna góðar ábendingar um allt mögulegt skemmtilegt til að gera og fara í nágrenninu. Í íbúðinni er gestabók og þar er tilvalið að bæta við ábendingum fyrir næstu gesti.

Með ósk um ánægjulega daga í Los Arenales de Sol, Orlofssjóður Sameykis



Lyklamálin

Lyklar og fjarstýringar eru afhentar á skrifstofu félagsins, Grettisgötu 89 í Reykjavík sem næst brottfarardegi. Vinsamlegast skilið lyklum aftur á skrifstofuna eins fljótt og hægt er eftir heimkomu.

Þeir sem koma annars staðar frá eða ætla ekki beint heim eftir dvöl í íbúðinni skulu fá lykla afhenta úti, en það verður að gerast í samráði við umsjónarmann.


Hvar er íbúðin?

Íbúðin er í fjölbýlishúsi við strandgötuna í Arenals del Sol, eða í um það bil 10 km fjarlægð við flugvöllinn, 13 km sunnan við Alicante. Einfalt er að taka leigubíl frá flugvöllinum í Alicante að húsinu. Það er þægilegt sérstaklega ef komið er að nóttu til. Ökuferðin tekur ca. 15-20 mínútur og er verðið um. 20 EUR. Það er þó alltaf gott að ræða verðið við leigubílstjórann áður en sest er inn í bílinn.

Einnig er hægt að taka bílaleigubíl á flugvöllinum og skila honum aftur þangað. Hægt er að nálgast upplýsingar um bílaleigur á netinu.

Heimilisfangið er Av. San Bartolomé Tirajana 52, 03195 Los Arenals del Sol, Alicante, Spain. Íbúðin er merkt nr 5. Dyrabjalla 005.





Gengið er inn um hlið frá götu meðfram húsinu vinstra megin og komið beint inn á hæðina þar sem íbúðin er. Eða ekið inn um bílahlið frá götu og þaðan keyrt inní bílageymslu, stæði nr 67., en merki félagsins er á vegg ofna við bílastæðið. Úr bílageymslunni er farið með lyftunni á 0 hæð (eins og þeir kalla það, en við 1. hæð).

Mikilvæg símanúmer

Umsjón með íbúðinni hefur Ármann Þór í síma: +0354 690 0062

Netfang: thor@novushabitat.es

Vinsamlegast athugið að þetta eru neyðarnúmer en ekki upplýsingaþjónusta. Rukkað er sérstaklega fyrir neyðarþjónustu og útkall (dagur/nótt - 50/70 ERU)

Lögregla og sjúkrabíll 112

Leigubíll +34 96542 77 77

Aukaþjónusta ef óskað er - greiðist á staðnum

Alla aukaþjónustu þarf að panta um leið og bókun fer fram. Ef það er dregið fram á síðasta dag er ekki víst að hún sé í boði. **Sendið tölvupóst til umsjónarmanns** um leið og bókun fer fram, netfangið thor@novushabitat.es

Aukaþjónusta:


Tekið á móti gestum í íbúð, pantað fyrirfram, dagur/nótt 30/50 €

Lyklaafhending, neyðarþjónusta og útkall, dagur/nótt 50/70 €

Akstur frá flugvelli að íbúð, pantað fyrir fjóra / fyrir átta 50/70 €

Áfylling á ísskáp 40 €

Áfylling á ísskáp er 6 lítrar vatn, 2 lítrar mjólk, 6 dósir jógúrt, kaffi, brauð, smjör og ostur. Í íbúð á ávallt að vera 2 x 2 lítrar af vatni við komu



Íbúðin og búnaður

Skiptidagar eru mismunandi eftir árstímum og er bókuð vika í senn sem er hámark, nema yfir vetrartímum. Þá er hægt að bóka tvær samfelldar vikur (í tvennu lagi þó).

Leigjandi hefur afnotarétt af íbúðinni frá kl 18 á komudegi og til kl 14 á brottfarardegi. Hægt er að fá leyfi til að geyma töskur í íbúðinni til kl 18 í samráði við umsjónarmann.

Koma þarf fram við pöntun á íbúð hversu margir gestir munu vera í íbúðinni með minnst 2ja daga fyrirvara til þess að tryggja að nægt lín.

Lýsing á íbúðinni

Íbúðin er á jarðhæð hússins. Hún er um 70 fm að stærð. Komið er inni alrými stofu, eldhúss og borðstofu. Það eru tvö svefnherbergi, annað með hjónarúmi og hitt með hjónarúmi og koju yfir (hægt að setja upp ef ekki er verið að nota). Í stofu er svefnsófi fyrir tvo. Gistimöguleikar eru því fyrir allt að 7 manns auk ungabarns. Þá eru tvö baðherbergi í íbúðinni.

Út af vel búnu eldhúsi er um 10 fm verönd, þar er skápur með þvottavél og hreinlætisvörum, á veröndinni er borð og tveir stólar.

Úr stofu og hjónaherbergi er gengið út á stærri verönd. Þar eru borð og sex stólar, tveir legubekkir, lítið borð og sóhlíf sem þarf að spenna upp (til að mynda skugga) en ganga þarf frá sóhlíf í lok dvalar. Gistimöguleikar eru fyrir allt að 7 manns en einnig er barnarúm og barnastóll í íbúðinni.





Búnaður

Allur almennur búnaður er í íbúðinni, borðbúnaður fyrir 12 manns, sængur og koddar fyrir 8 manns. Barnastól og barnarúm með barnasæng og koddar.

Allur sængurfatnaðurinn er til staðar en við komuna setur fólk sjálft á rúmin. Þykk Lök eru notuð sem sængur en á vetrurna er bætt við teppum sem notuð eru yfir lökin.

Vatnsflöskur eru í ísskáp og salernispappír á salernum við komu en að öðru leyti sér fólk sjálft um aðföng meðan á dvöl stendur.

Þvottavél er í útiskáp, ásamt þurrk grind, hreinsiefni, tuskum oph. Lykill að þvottaaðstöðu er á lyklakippu sem hangir bakvið útidyrarhurð við hlið rafmagnstöflu.

Gasgrill fylgir íbúðinni og biðjum við gesti að láta umsjónaraðila vita þegar gas klárast. Þá þarf ekki að nefna það að hreinsa grill eftir notkun.

Loftkæling og gólfhiti

Loftkæling er í íbúðinni og er bent á að slökkva á henni við brottför. Þá er heldur ekki þörf á að hún sé alltaf í gangi sérstaklega þegar opið er út. Á baðherbergjum er gólfhiti. Vinsamlegast hafið í huga yfir vetrartímann að hitinn rýkur út ef hurðir standa opnar og þá getur tekið tíma að hita íbúðina aftur.



Internet, afruglari og sjónvarp

Sjónvarp, DVD, aðgangur að neti, ásamt sjónvarpstengingu með aðgangi að mörgum sjónvarpsstöðvum eins og t.d. RÚV

Aðgangsorð að neti:
WIFI: 28102755

Almenn umgengni

Reykingar eru ekki leyfðar inní húsinu, Gildir líka um rafrettur. Þeir sem reykja eru beðnir að reykja úti eingöngu og ganga snyrtilega frá eftir sig. Að öðru leyti skulu leigjendur ganga vel um.

Leigjendur skulu ganga vel um og virða húsreglur

Prif og frágangur við brottför

Prif á húsinu eru innifalin í leiguverði, en ganga verður frá öllum þvotti, þ.e. taka af rúmum og setja í þar til gerðar körfu/r sem eru til staðar í íbúðinni, ásamt handklæðum. Í íbúðinni eru bæði stór og lítil handklæði.

Strandhandklæði eru í íbúðinni fyrir gesti og þurfa gestir að þvo þau og ganga frá í lok dvalar

Þá skal einnig við brottför ganga frá öllum búnaði á sinn stað, þurrka af borðum. Þvo allt leirtau og koma því á sinn stað í skápum og hillum og slökkva á öllum tækjum og draga niður gluggahlífar.

Slökkva á gólfhita á baðherbergjum og loftræstingu.

Setja yfirbreiðslu yfir grillið.

Vilji gestir koma á framfæri ábendingum eða athugasemdum, vinsamlegast setjið það á þar til gert eyðublað sem er í bláu möppunni „Fyrir umsjónarmann.“

Að henda rusli

Fara þarf með rusl í gáma sem eru staðsettir út í götu vinstra megin þegar gengið er frá húsi, flokka skal samkvæmt eftirfarandi:

Almennt rusl – venjulegt heimilissorp í poka

grár gámur

Gler flöskur – plast – áldósir

gulur gámur

Pappír

grænn gámur



Bannað er að setja poka við hliðina á gámunum, ef allt er fullt þá verður að ganga að næstu gámunum og skilja ruslið eftir þar.

Ströndin og aðstaðan í kringum húsið

Á útisvæði hússins er sundlaug, tennisvöllur, æfingatæki og leiktæki fyrir börn. Gestir hafa fullan aðgang að öllu sem er á lóðinni. Húsvörður/sundlaugarvörður er flesta virka daga á svæðinu til að fylgja eftir umgengni og þrifum á svæðinu.



Ströndin er aðeins steinsnar frá húsinu. Á ströndinni er hægt að leigja bekki, en í íbúðinni eru strandhandklæði sem hægt er að nota á ströndinni.





Afþreying á staðnum, næsta nágrenni og samgöngur

Húsið stendur við strandgötuna, Av. San Bartolomé Tirajana 52, sjá merkingu á korti. Svæðið kallast Los Arenales de Sol og er 3 km löng strönd með íbúðarhúsum, verslunum og veitingastöðum.

Öll þjónusta er í göngufæri, litlar verslanir meðvöru og helstu nauðsynjum, veitingastaðir, sérsverslanir, apótek o.fl. Leiktæki má finna hér og þar við strandgötuna og einnig lítinn skemmtigarð fyrir minni börnin. Í Strandgötunni er einnig „Tourist information“ þar er hægt að fá upplýsingar um hvað er í boði hverju sinni og hvert er skemmtilegt að fara. „Tourist INFO“ er í sama húsi og Lögreglustöðin og Apótekið

Aqua-Park er fjörugur og fallegur vatnsleikjagarður fyrir alla aldurshópa, í um 35 mín. akstursfjarlægð. Heimilisfangið á google maps er Quesada Aquapark. Í Aqua-Park eru rennibrautir, sundlaugar, leikjagarður og veitingastaðir og auðvelt að eyða hér ljúfri dagsstund. Opið er yfir sumarmánuðina, athugið opnunartíma á vefsíðunni www.aquaparkrojales.es Aqua-Park,.



Velkomin til Costa Blanca

Costa Blanca svæðið í Valenciu héraði liggur meðfram austur strönd Spánar og hefur um árabil verið ein eftirsóttasta ferðamannaparadís. Að meðaltali eru 300 sólardagar á svæðinu á ári. Hvítar strendur og fallegar klettamyndanir einkenna svæðið auk skóglendi og fallegir bæjir og þorp að ógleymdum iðandi borgum eins og Alicante og Benedorm.

Alicante er höfuðborg Costa Blanca svæðisins. Borgin er iðandi af lífi allt árið um kring með ótal veitingastöðum söfnum, dómkirkju, kastala, verslunum og iðandi fjörugtu næturlífi. Gamli bærinn og svæðið kringum höfnina er þekkt fyrir skemmtistaði og klúbba sem margir hverjir skarta góðu tónlistarfólki og frægum plötusnúðum. Þá hefur borgin sína eigin Römblu sem liggur meðfram Paseo de la Explanada de Espana þar sem er urmull af góðum veitingastöðum.

Á svæðinu eru að minnsta kosti 15 góðir golfvöllir. Þá er víða hægt að leigja bát eða fara í bátsverð eða vatnasport margs konar auk annarra skoðunarferða, en mesta aðdráttaraflið er án efa hvít strandlengjan og náttúrufegurðin. Góðar upplýsingar um svæðið má finna á upplýsingasíðum eins og www.tripadvisor.com, www.spain-holiday.com/alicante-province, [https://www.alicante.com](http://www.alicante.com) o.fl.



Viltu kíkja í verslunarleiðangur?

Alicante: Stærri verslunarmiðstöðvar eru inní Alicante, s.s. Corte Ingles og Plaza Mar 2. Hægt er að taka leið nr. 03 sem stoppar fyrir framan húsið og kostar fargjaldið 1,50 EUR aðra leiðina.

Gott er að fara úr vagninum við Av. De Oscar Expla, þ.e. við bankann Sabadell (rétt við aðalbrautarstöðina)

Til að komast til baka frá Alicante er best að fara niður að höfninni og á Centralstöðina „Estación Central de Autobuses“ og taka vagn nr. 03 „Arenales“. Vagnar hætta að ganga um kl 22,00

Uppáhald matgæðingsins er án efa **Mercado Central**, í efri hluta Alfonso el Sabio í Alicante ((Av. Alfonso El Sabio, 10, 03004 Alicante, Spain). Þetta er ævintýrlegur matarmarkaður í glæsilegri gamalli byggingu, eins konar dómkirkja matgæðingsins.

Ferskur fiskur og spennandi sjávarfang, kjöt og pylsur af öllum gerðum, grænmeti, ostur, vín og brauðmeti ratar beint í körfuna.

Torrevieja – La Zenia

Þá er einnig góðar verslanir í Torrevieja og La Zenia sem eru skemmtilegur strandbær í um 30-40 mín. akstursfjarlægð. Í La Zenia er m.a. stærsta verslunarmiðstöð héraðsins með fjölda verslana, veitingastaða og skemmtigarði fyrir börn.

Bíltúr meðfram strandlengjunni

Fyrir þá sem vilja keyra um og skoða mælum við með bíltúr upp meðfram ströndinni í norður þar sem sækja heim Calpe þar sem sérstakir drangar og klettamyndir skaga út í sjó, með viðkomu í gamla bænum í Altea þar sem njóta má kyrrðarinnar og alveg upp til Moraira sem er þekkt fyrir eina fallegustu smábátahöfnina á svæðinu.



Upplýsingar fyrir ferðamenn



Í Strandgötunni er „Tourist information“ þar er hægt að fá upplýsingar um hvað er í boði og hægt að gera. Opið er hjá þeim sjá meðfylgjandi mynd

„Tourist INFO“ er í sama húsi og Lögreglustöðin og Apótekið

Fylgigögn ýmiskonar

Í möppu þessari eru ýmsir bæklingar og gögn um hvað er hægt að gera, en við hvetjum fólk til að kynna sér á netinu hvað er hægt að gera, en ýmiskonar afþreying er í boði og endilega skiljið eftir spjöld/auglýsingar um það sem er áhugavert.

